

Յակոբի մէջ 1912ին: Յիշատակ թողած է Երուսաղէմի մէջ կէս մթերանոց մը. ընդօրինակութիւններ ունի 15 կտորի չափ, ա- մէնքն ալ Չափազրուածեան վերաբերեալ. ունի նաև Հնդկաս- տան ըրած իր ուղևորութեան մէկ նկարագրութիւնը:

ՅՈՎՀԱՆՆԷՍ ՎՐԴ. ԽԱԹԵՅԻ.—Մբ. ՏՅ. Շղթայակիրի օրով: Իր տուած յիշատակի մասին (ՄՁ. Թ. 532):

ՅՈՎՀԱՆՆԷՍ ՎՐԴ. ԿԱՐԿԱՌԵՅԻ.—Մբ. ՏՅ. 1680ին:

ՅՈՎՀԱՆՆԷՍ ՎՐԴ. ԿԵՍԱՐԱՅԻ.—Մբ. 1749ին. փոխանորդ և արքունակ. 1765ին տաճկերէնէ հայերէնի կը թարգմանէ Պատմ. գիւտոյ Անտիկայի գիրքը. և նոյն թուականին Հաճի Խալիֆէ կոչուած Քեաթիպ Չէլէպիի Օսմանեան քաղաւորներու պատմութիւնը հայեցի տառերով գրի առած է Կարապետ պարք.ի խնդրանքով (ՄՁ. Թ. 14):

ՅՈՎՀԱՆՆԷՍ ՎՐԴ.—Մբ. 1701ին:

ՅՈՎՀԱՆՆԷՍ ՎՐԴ. ՄՇԵՅԻ.—Մբ. կը յիշուի Մարգար քհ. Տէր Գէորգեանի՝ Պօղոս պարք.ին ուղղած 1803 թուական նա- մակի մը մէջ:

ՅՈՎՀԱՆՆԷՍ ՎՐԴ. ՄՇԵՅԻ.—Մբ. Լիմ Անապատի. ուխ- տաւորութեամբ կ'այցելէ Ս. Յակոբի վանքը և ժամանակ մը կը մնայ հոն (1847—1859):

ՅՈՎՀԱՆՆԷՍ (Արդար) ՎՐԴ. ՄՈՒԿԱՅԻ.—Մբ. Լիմ Անապա- տի. Ծ. 1716 ին. Վանեցի Յակոբ եպս. Տիւնոյեանցի օրով Լիմ Անապատ կուգայ եւ 25 տարեկանին կը ձեռնադրուի արեղայ. 1748ին ուխտաւորութեամբ կ'այցելէ Ս. Յակոբի վանքը. նոյն տարին Գրիգոր Շղթայակիր պարք. կուտայ անոր ծայրագունու- րեան գաւազան Ս. Յակոբի վանքին մէջ, մէկ տարի կը մնայ հոն և Շղթայակիրին մահուանէն յետոյ կը վերադառնայ Լիմ:

1754ին կ'այցելէ Ալաշկերտ՝ ուր միանալով նորընտիր կթղ.ին՝ կ'երթայ Ս. Էջմիածին և հոն ներկայ կ'ըլլայ նոյն կթղ.ին օծ- ման. կը վերադառնայ Լիմ և իր հաւաքած դրամովը Անա- պատի վանքը կ'ազատէ պարտքերէն:

Այս Մովկացի Յովհաննէս զրգ.ի շինարարութիւններն են հե- տևեալները.

Ա. 1755-57ին կը նորոգէ Աղբակի Ս. Բարթուղիմէոսի վանքը.